

- 1' Wer zwischen steyn vnd steyn sich leit
- 2' Vnd vil lüt vff der zungen dreit
- 3' Dem widerfert bald schad vnd leidt

Kap. 7



von zwytracht machen.

- 1 Mancher der hat groß freüd dar an
- 2 Das er verwirret yederman
- 3 Vnd machen künn diß hor vff das
- 4 Dar vß vnfrüntschaftt spring vnd haß

5 Mit hynder red vnd liegen groß
 6 Gibt er gar manchem eynen stoß
 7 Der das erst über lang enpfindt
 8 Vnd machet vß dem fründ eyn fyndt
 9 Vnd das ers wol besyglen mög
 10 Lügt er / das er vil dar zů leg
 11 Vnd wills jn bichts wiß han gethon
 12 Das nit verwissung kum dar von
 13 Vnd das ers vnder der rosen hett
 14 Vnd jn din eygen hertz geredt
 15 Meynen do mit gefallen wol
 16 Die welt ist sölcher zwytracht vol
 17 Das man eyns vff der zungen trag
 18 Wyter dann vff eym hangenden wag
 19 Als Chore det / vnd Absolon
 20 Das sie groß anhang möchten han
 21 Aber es schlytzt jn übel vß
 22 Jn allem land ist Alchymus
 23 Der fründ zertrag vnd hynderlieg
 24 Vnd fynger zwischen angel dieg
 25 Die werden oft geklembt dar von
 26 Als der / der meynt entpfohen lon
 27 Vmb das er Saul erschlagen hett
 28 Vnd die do döttent Hißboseth
 29 Als dem der zwischen mülsteyn lyt
 30 Gschicht / wer vil zwittracht macht allzyt
 31 Man sicht gar bald jn gberden an
 32 Was er sag vnd sy für eyn man
 33 Bürg man eyn narren hynder thür
 34 Er streckt die oren doch har für

b iij

24 zwischen GW5046 GW5047] zwufchen GW5041